

tanti basilicam sancti Petri fecit ut, quo luminaribus adhibitis magis decoraretur, tanquam debitam ei donum donavit patrimonium suum, id est, Liguriæ et Hetruriæ præcipuas partes cum omnibus oppidis ac eorumdem juribus. Hæc Panvinius, Platina in ipso Paschalis II Vita, inquit hunc in modum: *Hoc tempore Mathilda comitissa, admodum senio confecta, moriens, Romanæ Ecclesie ex testamento reliquit quidquid a Pissia amne, et sancto Quirico agri Senensis usque ad Ceperanum inter Appenninum et mare pertinet, 334 addita Ferraria, quæ adhuc Romanæ Ecclesie vesticialis est.* Hæc Palatina. Sed Ferraria longe prius sub Ecclesiæditione fuit, hoc est mille abhinc fere annis, tempore videlicet Vitaliani, ut in chronicis peregrini Prisciani et Gasparis Sardi videre licet, deinde tempore Pipini, Karoli Magni, Ludovici I, Henrici I et Othonis I ante Mathildam, et ex eorumdem, cæterorumque post Mathildam, imperatorum privilegiis quæ in archivio castri sancti Angeli custodiuntur constat. De hac item donatione donationisque confirmatione a comitissa Mathilda tempore Gregorii VII et Paschalis II præstata anno 1102 authentica non desunt momenta scriptis mandata, quæ in omnibus S. R. archivie asservantur. Postquam autem in sermonem de Ferraria non consulto, sed re id mihi subministrante incidi, breviter et quasi præteriens, dicam quod de ipsa Ferraria accidit dum hæc de sanctorum apostolorum Petri et Pauli lampadibus typis mandarem. Superiori namque anno Domini 1597, die 27 Octobris Albdonso Estense bujus nominis II et ultimo Ferrariæ duce sine filiis ac descenditibus mortuo, sanctiss. D. N. Clement VIII pastor Ecclesie vigilissimus, et patrimonii sancti Petri defensor acerrimus et indefessus, ubi primum accepit Ferrariæ ducatum in feudum olim a Romanis pontificibus prædecessoribus suis concessum, ad Romanam Ecclesiam ob lineam dicti Alphonsi finitam fuisse devolutum, nulla penitus cunctatione interposita, cum universo S. R. E. cardinalium collegio de illius recuperatione graviter ac sapienter regit, dictam recuperationem iisdem quoque cardinalibus instanter postulantibus. Quare sanctiss. D. N. in decreto, hac de re pronuntiando, humanis posthabitis rationibus, totam Ferrariæ ditionem Christo Domino Salvatori nostro, necnon gloriose ac semper virginis Dei genitrici Mariæ, sanctisque apostolis Petro et Paulo constanti animo miroque pietatis ardore addixit et consecravit. Juris itaque ac canonum ordine servato,

A stricto tandem utroque gladio, Petroque sui in carcere diacono cardinali Aldobrandem Clementis nepote, ad res sane prædictas pro Romana Ecclesia celeriter ac fisciendas nato, ad ducatum 335 Ferrariæ dum cum militaribus copiis missis, Cæsar nullo militum exspectato congressu, eumdui ducatum antiquo ac legitimo S. R. I anno hoc ipso 1598 die 12 Januarii restit conventione scriptis mandata, promisit: ejusdem vigesima nona mensis die, hoc diei sancto Hippolyto consecratæ, in qua i mentis, antea Hippolyti nuncupati, pontis talis celebratur, libere ac pacifice, non humum, sed expresso divinae opis præsidic Ferraria gaudio gestiente, tota urbe Roma. Deoque ingentes gratias agente, universi admirante. Hactenus de Ferraria. Nunc ad de lampadibus in honorem sanctorum ap Petri et Pauli olim accendi solitis institutum. Nam Petrus Mallius in libro de hysilicæ sancti Petri, ut in Bibliotheca vaticana est, post varia donorum ac reddituum generis sancti Petri pro lampadibus accendendis e de lumiuaribus dicta in Ecclesia perpetuus loquens, cl lampades diu noctuque, in autem CCL sua tempestate in basilica sanc sisse testatur, variaque lampadum et cand genera et nomina, alque item loca omnia, candelabra suspendebantur, recenset, quibuscumque totius anni enarratis. Acc etiam candelabrum, quod tot habebat lamp dies anni sunt, hoc est CCCLX. Inno ut bibliotecarius in Hadriano primo ait: ipse basilicæ sancti Petri dono dedit can crucis formam repræsentans, MCCCLX cl lampadibus insignitum, quod ante pendens, quatuor anni vicibus, die scilicet Domini, in Paschate, in Natali sanctorum Petri et Pauli, et in Romani pontificie, quæ singulo quoque anno, ipso vivente tur, ac accendi solebat, MCCCLXX lampades ibyterum accendi solebant. Idem fere legitur lica sancti Pauli. Cum itaque in basilicis apostolorum Petri et Pauli tot lampades arderent, mirum nemini videri debet, si tu totque oliveta dictis basilicis fuerint destinata.

TESTIMONIA ET ELOGIA VETERUM SCRIPTORUM DE SANCTO GREGORIO PAPA.

(a) *S. Gregorii Turonensis lib. x Historiar., cap. 1.*
Anno quintodecimo Childeberti regis, diaconus nostrus ab urbe Roma cum sanctorum pignoribus veniens, sic (b) retulit quod anno superiore, mense nono, tanta (c) inundatione Tiberis fluvius urbem Romanam obtexit, ut ædes antiquæ diruerentur, horrea etiam Ecclesie subversa sint, in quibus nonnulla millia modiorum tritici perire. Multitudo etiam serpentium cum magno dracone in modum trabis validæ, per hujus fluvii alveum in mare descendit. Sed suffocatæ bestiæ inter salsos maris turbidi fluctus, littori ejectæ sunt. Subsecuta est de vestigio clades

(a) *S. Gregorii Magni coævus fuit.*
(b) Confer cum lib. i de Gloria mart. c. 83, ubi de hujus Diaconi peregrinatione.
(c) Vide lib. iii. Dialog. c. 19, et Paulum Diac. lib.

quam inguinariam vocant. Nam medio m cimo adveniens, primum omnium, juxta in Ezechiele propheta legitur: *A sanctur. cipite* (*Ezech. ix, 6*). Pelagium papam percula mora extinxit. Quo defuncto, magna strag de hoc morbo facta est. Sed quia Ecclesia I rectore esse non poterat, Gregorium, diaconus omnis elegit.

Hic enim de senatoribus primis, ab ad devotus Deo, in rebus propriis (d) sex in S nasteria congregavit, septimum intra Urmuros instituit. Quibus tantam delegans

iii de Gestis Langobard. c. 24. Idem legitur que vita S. Greg. antea edita.

(d) De his monasteriis lege nostros de S. commentarios.

copiam, quanta ad victum quotidianum præbendum sufficeret, reliqua vendidit (a) cum omni præsidio domus, ac pauperibus erogavit; et qui ante serico contactus ac gemmis micantibus solitus erat per Urbem procedere trabeatus, (b) nunc vili conteclus vestitu ad altaris Dominici ministerium consecratur, (c) septimusque levita ad adjutorium papæ adsciscitur; tanta que ei abstinentia in cibis, vigilantia in orationibus, strenuitas in jejuniis erat, ut, infirmato stomacho, vix consistere posset. Litteris grammaticis, dialecticisque, ac rhetoricas ita erat institutus, ut nulli in Urbe ipsa pularetur esse secundus.

Hunc apicem attentius fugere tentans, ne quod prius abjecerat, rura sumei in sæculo de adepto honore jactantia quedam subreperet: unde factum est, ut epistolam ad imperatorem Mauricium dirigeret, cuius filium ex lavacro sancto suscepserat, conjurans et multa prece poscens, ne unquam conseneum præberet populis, ut hunc hujus honoris gloria sublimaret. Sed præfectus orbis Romæ, germanus ejus, anticipavit nuntium, et comprehenso, disruptis epistolis, consensu, quem populus fecerat imperatori direxit. At ille gratias Deo agens pro amicitia ipsius diaconi, quod reperisset locum honoris ejus, data præceptione ipsum jussit institui. Cumque in hoc restaret ut benediceretur, et lues populum devastaret, verbum ad plebem pro agenda pœnitentia in hunc modum exorsus est:

ORATIO GREGORII PAPÆ AD PLEBEM.

« Oportet, fratres charissimi, ut flagella Dei, etc.
 d) Proinde, fratres charissimi, contrito corde, et correctis operibus, ab ipso feriæ quartæ primo diluculo, ad septiformem litaniam juxta distributionem inferius designatam, devota ad lacrymas meule veniamus: ut districtus judex, cum culpas nostras nos punire consideraverit, ipse a sententia propositæ damnationis parcat. Clerus igitur egrediatur ab ecclesia sanctorum martyrum Cosmæ et Damiani, cum presbyteris regionis sextæ; omnes vero abbates cum monachis suis, ab ecclesia sanctorum martyrum Gervasii et Prothasii cum presbyteris regionis quartæ; omnes abbatissæ cum congregationibus suis, egrediantur ab ecclesia sanctorum martyrum Marcellini et Petri, cum presbyteris regionis primæ; omnes infantes ab ecclesia sanctorum martyrum Joannis et Pauli, cum presbyteris regionis secundæ; omnes vero laici ab ecclesia protomartyris Stephani cum presbyteris regionis septimæ; omnes mulieres viduae ab ecclesia sanctæ Euphemie, cum presbyteris regionis quintæ; omnes autem mulieres conjugatæ egrediantur ab

(a) Hæc vox Gregorio Turon. familiaris (Vide lib. vi hist. c. 4, et l. ix, c. 20), significat pecuniam, suppellectilem, bona mobilia. Vide notas ad lib. Sacram. col. 472.

(b) Nempe monastico.

(c) Nonnisi septem diaconi, scilicet regionarii, tunc in Ecclesia Romana ordinabantur. De hoc more infra fusiū dicetur.

(d) Ut edita sunt tum in Vita auctore Joanne Diacono, tum ad calcem homil. in Evang. Tom. I. (Patrol. t. LXXVI.) Quæ vero leguntur de Litania

A ecclesia sancti martyris Clementis, cum presbyteris regionis tertiarum: ut de singulis ecclesiis exeentes cum precibus et lacrymis, ad beatam Mariam semper Virginis Genitricis Domini Dei nostri Jesu Christi basilicam congregemur, ut ibi diutius cum fletu, ac gemitu Domino supplicantes, peccatorum nostrorum veniam promererí valeamus. »

Hæc eo dicente, congregatis clericorum catervis, psallere jussit per triduum ac deprecari Domini misericordiam. De hora quoque tertia veniebant omnes chori psallentium ad ecclesiam, clamantes per plateas Urbis: *Kyrie eleison.* Asserebat autem diaconus noster, qui aderat, in unius horæ spatio, dum voces plebs ad Dominum supplicationis emisit, octoginta homines ad terram corruisse, et spiritum exhalasse. Sed non destitit sacerdos tantus prædicare populo, ne ab oratione cessarent. Ab hoc etiam diaconus noster reliquias sanctorum, ut diximus, sumpsit, dum adhuc in diaconatu degeret. Cumque latibula fugæ præpararet, capit, trahit, et ad beati apostoli Petri basilicam deducitur; ibique ad pontificalis gratiæ officium consecratus, papa Urbi datus est. Sed nec destitit diaconus noster nisi ad episcopatum ejus (e) de porto rediret, et qualiter ordinatus fuerit, præsenti contemplatione suspiceret.

Sancti Paterii ejus discipuli prolog., lib. de Testim.

Dum unius sancti viri, hoc est beati Job historiam abstrusis mysteriorum opacitatibus tectam sub triplici, id est typica morali, alque historica studuit expositione discutere, ac repulso ignorantiae nubilo, in aperta cunctis luce clarius serena patefactione monstrare, pene totam Veteris ac Novi Testamenti seriem rerum explicandarum necessitate est coactus exponere.

(f) *Isidori Hispalensis lib. de Ill. Eccles. Script.*, c. 27.

Gregorius papa, Romanæ sedis apostolice præsul, compunctione timoris Dei plenus, et humilitate summus, tantumque per gratiam sancti Spiritus scientiæ lumine præditus, ut non modo illi præsentium temporum quisquam doctorum, sed nec in præteritis quidem illi par fuerit unquam. Hic in episcopatus sui exordio edidit librum Regulæ Pastoralis, directum ad Joannem, Ravennæ sedis episcopum. In quo quisque docetur, qualis ad officium regimini veniat, vel qualiter, dum venerit, vivere vel docere subjectos studeat. Idem etiam, efflagitante Leandro episcopo, librum beati Job mystico ac morali sensu disseruit, totamque prophetæ ejus historiam in triginta quinque voluminibus largo eloquentiæ fonte explicavit: in quibus quidem quanta mysteria sacramento-

septiformi apud Greg. Turon. hic excudenda censimus, quod in his cum Joanne Diacono, imo cum ipsomet S. Gregorio non conveniat. Dissensus illius rationem alibi attulimus.

(g) Beccensis, *de portu*; plerique editi, *de porta*. Sequimur editionem: nostri D. Theoderici Ruinari. *De porta* forte significat diaconum Ecclesie Turon. ad portum sacris cum reliquiis deductum, ut legitur lib. i de Gloria Martyrum c. 83, inde rediisse Romam, ut S. Gregorii ordinationem propriis oculis usurparet.

(f) S. Gregorii etati suppar fuit.

rum aperiantur, quanta sunt in amorem vitæ æternæ morum præcepta, vel quanta clareant ornamenta verborum, nemo sapiens explicare valebit, etiamsi omnes artus ejus vertantur in linguis. Scripsit etiam et quasdam epistolas ad prædictum Leandrum, e quibus unam in eisdem libris Job titulo præfationis adnectit. Altera loquitur de mersione baptismatis, in qua inter cætera ita scriptum est: « Reprehensibile, inquit, esse nullatenus potest infantem in baptismate mergere vel semel, vel ter, quando in tribus mersionibus personarum Trinitas, et in una potest divinitatis singularitas designari. » Fertur tamen idem excellentissimus vir, et alios libros morales scripsisse, toolumque textum quatuor Evangeliorum sermocinando, in populis exposuisse, incognitum scilicet nobis opus. Felix tamen, nimium felix, qui omnium studiorum ejus potuit cognoscere dicta. Floruit autem Mauricio imperatore, oblitusque in ipso exordio Phœnix Romani principis.

Joannis Diaconi l. 1, c. 17, de Vita S. Greg.

Gregorius a multis enixe rogatus, maximeque a Leandro Hispalensi episcopo, qui pro causis Visigothorum legatus eodem tempore Constantinopolim venerat, compulsus est ut librum beati Job, multis involutum mysteriis, enodaret. Neque ille negare potuit opus quod sibi amor fraternus multis utile imponebat futurum; sed eumdem librum, quo modo juxta litteram intelligendus, qualiter ad Christi et Ecclesiæ sacramenta referendus, quo sensu unicuique fidelium sit aptandus, per trifarias intelligendi species miranda ratione perdocuit, in quibus tamen ita de virtutibus vitiisque disseruit, ut non solum videatur eadem verbis exponere, sed formis quodammodo visibilibus seu palpabilibus demonstrare.

(a) *Venerabilis Bedæ lib. II Histor. Eccl. gentis Anglorum, c. 1.*

Anno Dominicæ Incarnationis sexcentesimo quinto, beatus papa Gregorius, postquam sedem Romanæ et apostolicæ Ecclesiæ tredecim annos, menses sex et dies decem gloriosestissime rexerat, defunctus est, atque ad æternam regni coelestis sedem translatus. De quo nos convenit, quod nostram, id est Anglorum, gentem de potestate Satanæ ad fidem Christi sua industria convertit, latorem in nostra historia ecclesiastica facere sermonem. Quem recte nostrum appellare possumus et debemus apostolum, quia, cum primum in toto orbe gereret pontificatum, et conversis jamdudum ad fidem veritatis esset prælatus in Ecclesia, nostram gentem eatenus idolis mancipatam Christi fecit Ecclesiam: ita ut apostolicum illum de eo liceat nobis proferre sermonem, quia etsi aliis non est apostolus, sed tamen nobis est: *Nam signaculum apostolatus ejus nos sumus in Domino (I Cor. ix, 2).* Erat autem natione Romanus, ex patre Gordiano, genus a proavis non solum nobile, sed et religiosum, duceus. Deinde Felix, ejusdem sedis apostolicæ quondam episcopus, vir magnæ glorie in Christo et in Ecclesia, fuit ejus atavus. Sed et ipse nobilitatem religionis non minorem quam parentes et

(a) *Floruit desinente sec. vii et fere per 35 annos saeculi viii.*

A cognati virtute devotionis exercuit. Nobilitatem vero illam quam ad sæculum videbatur habere, totam ad nasciendam supernæ gloriam dignitatis, divina gratia largiente, convertit. Nam mutato repente sæculari habitu, monasterium petiit, in quo tanta perfectionis gratia cœpit conversari, ut siout ipse postea contristari solebat flendo (*Proæm. lib. I Dial.*), animo illius labentia cuncta subter essent, ut rebus omnibus quæ volvuntur emineret, nunquam nisi coelestia cogitare soleret: ut etiam retentus corpore ipsa jam carnis claustra contemplatione transiret; ut mortem quoque, quæ pene cunctis pœna est, vide-licet ut ingressum vitæ, et laboris sui præmium amaret. Hæc autem ipse de se, non profectum jactando virtutum, sed deflendo potius defectum, quem sibi per curam pastoralem incurriisse videbatur, refferre consueverat. Denique tempore quodam secreto cum diacono suo Petro colloquens, enumeratis animi sui virtutibus priscis, mox dolendo subjunxit: « At nunc ex occasione curæ pastoralis sæcularium hominum negotia patitur, et post tam pulchram quietis suæ speciem, terreni actus pulvere fœdatur. Cumque pro condescensione multorum se ad exteriora sparserit, etiam cum interiora appetit, ad hæc proculdubio minor redit. Perpendo itaque quid tolero, perpendo quid amisi; dumque intueor illud quod perdidi, fit hoc gravius quod porto. » (*Ibid.*)

Hæc quidem sanctus vir ex magna humilitatis intentione dicebat, sed nos credere decet nihil eum monachicæ perfectionis perdidisse, occasione curæ pastoralis; imo potiorem tunc sumpsisse profectum de labore conversionis multorum, quam de propriæ quondam quiete conversionis habuerat, maxime quod et pontificali functus officio, domum suam monasterium facere curavit. Et dum primum de monasterio abstractus, ad ministerium altaris ordinatus, atque Constantinopolim apocrisiarius ab apostolica sede directus est, non tamen in terreno conversatus palatio, propositum vitæ coelestis intermisit. Nam quosdam fratrum ex monasterio suo, qui eum gratia germanæ charitatis ad regiam urbem secuti sunt, in tutamentum cœpit observantiæ regularis habere: videlicet, ut eorum semper exemplo, sicut ipse scribit, ad orationis placidum littus quasi anchoræ fune restringeretur, cum incessibili causarum sæcularium impulsu fluctuaret, concussamque sæculi actibus mentem inter eos quotidie per studiosæ lectionis roboret alloquium.

Horum ergo consortio non solum a terrenis est munitus incursibus, verum etiam ad coelestis vita exercitia magis magisque succensus. Nam hortati sunt eum ut librum beati Job, magnis involutum obscuritatibus, mystica interpretatione discuteret; neque negare potuit opus quod sibi fraternus amor multis utile futurum imponebat. Sed eumdem librum quomodo juxta litteram intelligendus, qualiter ad Christi et Ecclesiæ sacramenta referendus, quo sensu unicuique fidelium sit aptandus, per triginta quinque libros expositionis miranda ratione perdocuit. Quod videlicet opus in regia quidem urbe apocrisia-

rius inchoavit, Romæ autem jam factus pontifex implevit. Qui cum esset adhuc in urbe regia positus, nascentem ibi novam hæresim de statu nostræ resurrectionis, in ipso, quo exorta est, initio, juvante se gratia catholicæ veritatis, attrivit. Si quidem Eutychius, ejusdem urbis episcopus, dogmatizabat corpus nostrum in illa resurrectionis gloria impalpabile, ventis, aereque subtilius esse futurum. Quod ille audiens, et ratione veritatis et exemplo Dominicæ resurrectionis probavit hoc dogma orthodoxæ fidei omnimodis esse contrarium. Catholica etenim fides habet quod corpus nostrum in illa immortalitatis gloria sublimatum, subtile quidem sit per effectum spiritalis potentie, sed palpabile per veritatem naturæ, juxta exemplum Dominici corporis, de quo a mortuis suscitato dicit ipse discipulis: *Palpate et videte quia spiritus carnem et ossa non habet, sicut me videtis habere* (Luc. xxiv, 39). In cujus assertione fidei venerabilis Pater Gregorius in tantum contra nascentem hæresim novam laborare contendit, tanta que hac instantia, juvante etiam piissimo imperatore Tiberio Constantino, comminuit, ut nullus exinde sit inventus, qui ejus resuscitator existeret.

Alium quoque librum composuit egregium, qui vocatur *Pastoralis*, in quo manifesta luce patefecit, qualis ad Ecclesiæ regimen assumi, qualiter ipsi rectores vivere, qua discretione singulas quasque audiendum instruere personas, et quanta consideratione propriam quotidie debeant fragilitatem pensare. Sed et Homilias Evangelii numero quadraginta composuit, quas in duobus codicibus æqua sorte distinxit. Libros etiam Dialogorum quatuor fecit, in quibus rogatu Petri, diaconi sui, virtutes sanctorum quos in Italia clariores nosse vel audire poterat ad exemplum vivendi posteris collegit: ut, sicut in libris Expositionum suarum quibus sit virtutibus insudandum edocuit, ita etiam, descriptis sanctorum miraculis, quæ virtutum eorumdem sit claritas ostendaret. Primam quoque et ultimam Ezechielis prophetæ partem, quæ videbantur obscuriores, per Homilias viginti duas declaravit, ac quantum lucis intus habeant, demonstravit. Excepto libello Responsionum quem ad interrogaciones S. Augustini, primi Anglorum episcopi, scripsit, ut supra docuimus, totum ipsum libellum his inferentes historiis: libello quoque synodico, quem cum episcopis Italiorum de necessariis Ecclesiæ causis utilissimum composuit, et familiariibus ad quosdam litteris. Quod eo magis mirum est, tot cum ac tanta concedere volumina potuisse, quod pene omni juventutis suæ tempore, ut verbis ipsius loquar, crebris viscerum doloribus cruciabatur, horis momentisque omnibus fracta stomachi virtute lassesciebat, lenti quidem, sed tamen continuis febribus anhelabat. Verum inter haec dum sollicitus pensaret quia, Scriptura teste, omnis filius qui recipitur flagellatur, quo malis præsentibus durius deprimebatur, eo de æterna certius præsumptione respirabat.

Hæc quidem de immortali ejus dicta sint ingenio,

A quod nec tanto potuit corporis dolore restringi. Nam alii quidem pontifices construendis ornandisque auro vel argento ecclesiis operam dabant: hic autem totus erga animarum lucra vacabat. Quidquid pecunia habuerat, sedulus hoc dispergere ac dare pauperibus curabat, ut *justitia ejus maneret in sæculum sæculi, et cornu ejus exaltaretur in gloria* (Psal. cxii, 8): ita ut illud beati Job veraciter dicere posset: *Auris audiens beatificabat me, et oculus videntis testimonium reddebat mihi, quod liberasse pauperem vociferantem, et pupillum cui non esset adjutor. Benedictio perituri super me veniebat, et cor viduæ consolatus sum. Justitia induitus sum, et vestivi me sicut vestimento et diademe, judicio meo. Oculus fui cæco, et pes claudio. Pater eram pauperum, et causam quam nesciebam diligenter investigabam. Contrebam molas iniqui, et de dentibus illius auferebam prædam* (Job. xxix, 11 et seq.). Et paulo post: *Si negavi, inquit, quod volebant, pauperibus, et oculos viduæ exspectare feci. Si comedи buccellam meam solus, et non comedit pupillus ex ea. Quia ab infantia mea crevit mecum misratio, et de utero matris meæ egressa est mecum* (Job. xxxi, 16 et seq.).

B Ad cujus pietatis et justitiae opus pertinet etiam hoc, quod nostram gentem per prædicatores quos hue direxit, de dentibus antiqui hostis eripiens, æternæ libertatis fecit esse participem. Cujus fidei et saluti congaudens, quæque digna laude commendans, ipse dicit in Expositione beati Job: * *Ecce lingua Britanniæ, quæ nihil aliud noverat quam barbarum frendere, jam dudum in divinis laudibus Hebreum cœpit Alleluia resonare. Ecce quandam tumidus, jam substratus sanctorum pedibus servit Oceanus; ejusque Barbaros immites, quos terreni principes edomare nequierant, hos pro divina formidine sacerdotum ora simplicibus verbis ligant; et qui catervas pugnantium infideles nequaquam metuerent, jam nunc fideles humilium linguas timent. Quia enim perceptis cœlestibus verbis, clarescentibus quoque miraculis, virtus ei divinæ cognitionis infunditur, ejusdem divinitatis terrore refrenatur, ut grave agere metuat, ac totis desideriis ad æternitatis gratiam venire concupiscat* (Lib. xxvii, n. 21). Quibus verbis beatus Gregorius hoc quoque declarat, quod S. Augustinus et socii ejus non solum prædicatione verborum, sed etiam cœlestium ostensione signorum gentem Anglorum ad agnitionem veritatis perducabant.

C D Fecit inter alia beatus papa Gregorius, ut in ecclesiis apostolorum beatorum Petri et Pauli super corpora eorum missæ celebrarentur. Sed et in ipsa missarum celebratione tria verba maximæ perfectionis plena superadjecit: *Diesque nostros in tua pace disponas, atque ab æterna damnatione nos eripi et in electorum tuorum jubeas grege numerari. Rexit autem Ecclesiam temporibus imperatorum Mauricij et Phocatis. Secundo autem ejusdem Phocatis anno transiens ex hac vita, migravit ad veram, quæ in cœlis est, vitam. Sepultus vero est corpore in ecclesia beati Petri apostoli ante secretarium, die quarto Iduum*

Martiarum, quandoque in ipso cum cæteris sanctæ Ecclesiæ pastoribus resurrecturus in gloria. Scriptumque est in tumba ipsius epitaphium hujusmodi: *Suscipe, terra, tuo corpus de corpore sumplum, etc.* (ut apud Joan. Diac. lib. iv Vitæ, c. 68). Nec silentio prætereunda opinio, quæ de beato Gregorio traditio-ne majorum ad nos usque perlata est: qua videlicet ex causa admonitus, tam sedulam erga salutem nostræ gentis curam gesserit. Dicunt quia die quadam, cum advenientibus nuper mercatoribus, multa venalia in forum fuissent collata, multique ad emendum con-fluxissent, et ipsum Gregorium inter alios advenisse ac vidisse inter alia pueros venales positos, candidi corporis, ac venusti vultus, capillorum quoque forma egregia. Quos cum aspiceret, interrogavit, ut aiunt, de qua regione vel terra essent allati; dictumque est quod de Britannia insula, cuius incole talis essent aspectus. Rursus interrogavit utrum iidem insulani essent Christiani, an paganis adhuc erroribus essent implicati. Dictum est quod essent pagani. At ille intimo ex corde longa trahens suspiria: Heu proh dolor! inquit, quod tam lucidi vultus homines tenebrarum auctor possidet, tanta-que gratia frontis speciei mentem ad internam gratiam vacuam gestat. Rursus interrogavit quod esset vocabulum gentis illius. Responsum est quod Angli vocarentur. At ille: Bene, inquit, nam et angelicam habent faciem, et tales angelorum in cœlis decet esse cohæredes. Quod habet nomen ipsa provincia de qua isti sunt allati? Responsum est quod *Deiri* vocantur iidem provinciales. At ille inquit: Bene *Deiri*, de ira eruti, et ad misericordiam Christi vocati. Rex provincie illius quomodo vocatur? Responsum est quod *Ælle* diceretur. At ille alludens ad nomen, ait: *Alleluia laudem Dei Creatoris illis in partibus oportet cantari.* Porro accedens ad pontificem Romanæ et apostolicæ sedis (nondum enim erat ipse pontifex factus) rogavit ut genti Anglorum in Britanniam aliquos verbi ministros, per quos ad Christum converterentur, mitteret; seipsum paratum esse in hoc opus, Domino cooperante, perficiendum, si tamen apostolico papæ hoc ut fieret placeret. Quod dum perficere non posset (quia etsi pontifex concedere illi quod petierat voluit, non tamen cives Romani, ut tam longe ab Urbe secederet, potuerunt permittere), mox ut ipse pontificatus officio functus est, perfecit opus diu desideratum, alias quidem prædicatores Dmittens, sed ipse prædicationem, ut fructificaret, suis exhortationibus ac precibus adjuvans. Hæc juxta opinionem, quæ ab antiquis accepimus, historiæ nostræ ecclesiasticae inserere optimum duximus.

Adonis, (a) archeepiscopi Viennensis.

Romæ depositio sancti Gregorii papæ, qui nobili genere, liberalibus artibus eruditus est. Deinde defunctis parentibus, sex in Sicilia monasteria construens, septimum intra Urbis muros constituit. In quo ipse post secularem habitum multis fratribus

A aggregatis, sub abbatis imperio strenue militavit, et suæ nobilitatis lineam moribus extulit, probis actibus decoravit. Nam qui ante sericis vestibus ac gemmis micantibus per Urbem solebat procedere trabeatus, post vili contextus tegmine, ministrabat pauper ipse pauperibus. Quibus monasteriis tantum de redditibus prædiorum delegavit, quantum posset commorantibus ad quotidianum victum sufficere: reliqua vero vendidit, ac pauperibus erogavit. Deinde coactus et multum renitens, factus Urbis Romæ summus pontifex, Anglorum gentem ad fidem convertit: directis vide-licet sui monasterii monachis, Mellito, Augustino atque Joanne, et cum eis aliis plurimis fratribus. Rex autem gloriosissime Romanam Ecclesiam annis xiii, mensibus sex, et diebus decem. Augmentavit etiam in præfatione Canonis: *Dieisque nostros in tua pace dispone.*

Eiusdem, in Chronico.

Gregorius, adhuc apocrisiarius Romanæ Ecclesiæ in Constantinopoli, libros triginta quinque expositionis in Job condidit; atque Eutychium, ejusdem urbis episcopum, in fide nostræ resurrectionis errasse, Tiberio præsente, ita convicit, ut imperator librum Eutychii, quem de resurrectione scripserat, flammis cremari debere deliberaret.

(b) *Hadriani papæ I ad episcopos Hispaniæ, tom. VII Concil. p. 1017.*

Jam nunc videamus, quid de hac re sentiat præde-cessor noster beatus Gregorius egregius doctor, sagaciissimus verbi Dei indagator, et venerabilis Pater. Denique in Libris Moralibus sancto repletus Spiritu, etc.

(c) *Hincmari Rhemensis, de Prædestinat. c. 18.*

Quod vidit beatus Gregorius primæ et sanctæ sedis Romanæ ornatus præcipuus, dicens in libro i Dialogorum: *Quæ perennis, inquit, regni prædestinatio, ita est ab omnipotente Deo disposita, ut ad hoc electi ex labore perveniant; quatenus postulando mereantur accipere, quod iis omnipotens Deus ante sæcula disposuit donare.* Unde et, sicut in Gestis Romanorum pontificum legitur, arcanis sacramentorum cœlestium aug-mentare curavit: *Ut dies disponat, ab æterna damnatione nos eripi et in electorum suorum jubeat grege numerari.*

Vita S. Gregorii Magni per (d) Simonem Metaphrasten.

Beatus Gregorius, qui sanctæ Dei Ecclesiæ Romanæ pontifex fuit, antequam fieret patriarcha, mo-nachus erat in monasterio sancti Andreæ apostoli ad olivum Scauri, prope templum sanctorum martyrum Joannis et Pauli. Atque illi quidem monasterio ipse præserat. Matrem vero habuit beatam Silviam, quæ tunc juxta portam sancti apostoli Pauli locum patrium, qui Cella nova dicitur, incolebat. Accidit ut cum in cellula ipse sua sederet et scriberet, accesserit ad eum mendicus voce supplici: Miserere mei, inquiens, serve Dei Altissimi, qui cum essem navis gubernator, naufragium feci, et aliena meaque per-didi. At ille, uti benignus in pauperes, ac vere Christi

(a) Floruit post an. 850.

(b) Rexit Ecclesiam ab anno 772 ad an. 795.

(c) Floruit medio sæculo nono.

(d) Vixit ineunte sæculo decimo.

servus, vocato procuratore : Da, inquit, frater, huic sex nummos aureos. Frater autem id quod servus Dei Gregorius mandaverat, fecit, mendicoque pecuniam dedit. Eodem rursus die pauper idem ad beatum Gregorium venit; et, Miserere mei, inquit, serve Dei Altissimi, qui cum multa amiserim, parum abs te accepi. Beatus autem Gregorius ministrum suum iterum vocavit, dixique ut sex item nummos eidem pauperi numeraret. Ac frater quidem paruit. Sed pauper cum, acceptis duodecim nummis, discessisset, ad beatum Gregorium paulo post rediit eodem die : Miserere, inquiens, mei, serve Dei Altissimi, et aliquid rursum elargire : quoniam magnam jacturam feci. Procuratore tertium accersito : Da, frater, inquit, huic pauperi sex alios nummos. At ille respondens : Crede mihi, Pater, inquit, ne unus quidem in arca relictus est nummus. Cui beatus Gregorius : Nonne aliud quidquam habes in promptuario, ut vas aliquod aut vestimentum, quod pauperi largiaris? Nullum, respondit ille, vas habemus, praeter argenteum illud, quod magna domina de more leguminibus plenum misit. Abi, inquit servus Dei Gregorius, atque illud pauperi præbe. Frater autem fecit quod sibi a beato Gregorio mandatum fuerat. Pauper igitur, acceptis duodecim nummis, et vase argenteo, discessit. Cum autem in sanctissima et maxima Dei Ecclesia veteris Romæ creatus esset patriarcha, et, quemadmodum patriarcharum est consuetudo, quodam die thesaurario mandasset ut duodecim pauperes ad mensam suam convocaret, qui secum pranderent, paruit ille, ac pauperes convocabat. Verum cum discubuisserent cum patriarcha, deprehensi sunt esse tredecim. Quamobrem accersito thesaurario : Nonne, inquit, mandavi tibi ut duodecim vocares? Cur igitur tredecim vocasti praeter sententiam meam? His ille auditis perterritus : Crede, inquit, mihi, venerande Domine, duodecim sunt; nec alias quisquam, praeter patriarcham, tredecim vidit. Inter prandendum igitur patriarcha tertium decimum illum spectabat, qui in summo scanno considebat. Et ecce facies ejus varias formas sumebat. Modo enim senex, modo adolescens ille videbatur. Itaque cum e mensa consurrexisse, beatus Gregorius, reliquis omnibus dismissis, tertium decimum illum, qui tam admirandus ipse visus fuerat, manu apprehensum in cubiculum duxit, et allocutus est ad hunc modum : Adjuro te per magnam omnipotentis Dei virtutem, ut aperias D mihi, qui sis, et quo nomine appelleris. Et ille : Cur, inquit, nomen meum queris, quod est admirabile? Ego sum pauper ille qui ad te veni in mansionem sancti Andreæ apostoli ad clivum Scauri, cum tu in cellula tua sederes ac scriberes, cui duodenos dedisti nummos, et vas, quod tibi beata mater Silvia cum leguminibus miserat. Itaque cum perspicuum fuerit te in cordis simplicitate et patientia constantem permansisse, ex quo die mihi haec tribuisti constituit Dominus ut Ecclesiam sanctam suam, pro qua proprium etiam sanguinem effudit, pontifex fieres,

A et Petri principis apostolorum successor essem : ut posses omnibus quodecumque opus foret subministrare. Unde, beatus inquit Gregorius, nosti, tunc Dominum, ut ego pontifex fierem, decrevisse? Quia, respondit, sum Dei angelus omnipotentis, ideo id novi. Et tunc Dominus misit me, ut animi tui propositum explorarem, et utrum humanitate ductus, an ostentatione faceres eleemosynam. Quo beatus Gregorius audito timuit, neque enim antea eum angelum esse cognoverat; et ideo cum illo tanquam cum homine egerat et locutus fuerat. Dixit autem angelus ad beatum Gregorium : Ne timeas, misit enim me Deus ut tecum verser in hac vita. Quod ille cum audisset, humi prostratus in faciem suam, adoravit Dominum : Si propter exiguum hanc, inquiens, ad promerendum animi propensionem, tantum benignitatis cumulum clementissimus Dominus declaravit, ut angelum suum mitteret, qui mei in perpetuum custos esset, quænam eorum futura est gloria magnitudo, qui mandatis ejus obtemperabunt, et justitiam colent? Verax enim est ille qui dixit, judicio misericordiam præstari, et Deo fenerari eum qui pauperis miseretur. Quin etiam ipse Dominus angelorum, qui salutis hominum auctor est, eos qui a dextris erunt collocati, sic alloquetur : Venite, benedicti Patris mei, paratam vobis a mundi constitutione suscipite regni hæreditatem. Et : Esurivi enim, et deditis mihi manducare. Sitivi, et deditis mihi bibere. Hospes eram, et collegistis me. Eger, et visitastis me. Nudus, et operuistis me. In carcere, et venistis ad me. Quatenus enim fecistis uni ex his fratribus meis minimis, mihi fecistis (Matth. xxv, 43). Quam quidem beatam vocem ultimam audiamus nos omnes qui hoc vel legimus, vel audimus ; et consequamur ea bona sempiterna, quæ paravit Deus iis a quibus diligitur, per gratiam atque humanitatem Domini nostri Iesu Christi, cui gloria in æcula sæculorum. Amen.

Sigiberti Gemblacensis (a), lib. de Script. Eccles., c. 41.

Gregorius, natione Romanus, ex prætore Urbano, monachus abbas, septimus Romanæ Ecclesie levita, apocrisiarius papæ Romanæ Ecclesie, multa scripsit. Rogatus a Leandro Hispanensi episcopo, librum Job exposuit tripliciter, historicæ, allegorice et moraliter; et librum dividens in sex libros, consummavit hoc mirabile opus in triginta quinque libris. Primam et ultimam partem Ezechielis prophetæ, quæ obscuriores erant, exposuit homiletico sermone. Scripsit (b) ad Marianum episcopum quadraginta duas Evangelii homilias. In initio pontificatus sui scripsit ad Joannem, Ravennæ episcopum, librum Regule Pastoralis; librum Dialogorum, quem cum Petro, diacono suo, de miraculis sanctorum sui temporis habuit, Theudeliæ Langobardorum reginæ pro munere misit. Epistolarum tot libros posteris reliquit quot annos in pontificatu vixit, id est tredecim et semis. Scripsit et alia, quæ a Romanis post mortem ejus combusta sunt; qui et omnia opera ejus combussissent, nisi Petrus, diaconus ejus,

cundinum Tauromenitanum ep. Ceterum homilias 40 tantum agnoscimus.

(a) Obiisse dicitur an. 1113.

(b) Non ad Marianum, seu Marinianum, sed ad Se-

interveniens, confirmasset jurejurando se vidisse A Spiritum sanctum, quasi columbam super caput Gregorii tractantis, sedentem, rostrum suum ori illius inserentem. Et hoc ipsum Petrus hac conditione fecit, ut si post factum jusjurandum statim moreretur, Romani a libris Gregorii comburendis cessarent; si non moreretur, ipse etiam combustoribus librorum manus daret. Sic Petrus inter verba juramenti expiravit, et Romanorum insaniam cessavit. Quæ scriptura Gregorium tam illustravit, quam illud quod Antiphonarium regulari musica modulatione contonizavit, et scholas cantorum in Romana Ecclesia constituit.

Honorii Augustodunensis (a), de Scriptoribus ecclesiasticis.

Gregorius, Romæ urbis episcopus, organum sancti Spiritus, incomparabilis omnibus suis prædecessoribus, multa præ sole præclara, ac præ obrizo auro pretiosa scripsit. Ad supradictum Joannem, Pastoralem Curam; ad Leandrum episcopum, librum Job triginta quinque voluminibus largo eloquentiæ fonte explicavit; Dialogum de miraculis sanctorum ad Petrum archidiaconum; quadraginta oracula Evangeliorum, (b) imo totum textum quatuor Evangeliorum, sermocinando, populo exposuisse dicitur; et viginti Homiliae in Ezechielem, et infinitas epistolas, quarum collectio Registrum dicitur. Flo-
ravit sub Mauricio.

(a) Floruit saeculo XII jam adulto.

(b) De his lege quæ infra ad Joan. Trithemii testimonium observavimus.

(c) Floruit ineunte saeculo XVI.

(d) Hujus explanationis codices duos Ms. annorum 900 invenimus: unum, ipsumque elegantissime conscriptum, in regia Biblioteca; alterum vero, non ita accurate exaratum, in Biblioth. Bigot. cum hoc titulo: *Incipit expositio secundum Matthæum..... a sancto Gregorio.... Urbis Romæ, Matthæus sicut in ordine primus, etc.* Puncta hic notata designant verba quæ ita abrasa sunt, ut legi non possint. Hæc expo-

(c) Joannis Trithemii, lib. de Script. Eccl.

Gregorius papa primus, ex monacho ordinis sancti Benedicti, patria Romanus, post Pelagium pontificem sed sit in cathedra Petri annis tredecim, mensibus sex; vir in divinis Scripturis eruditissimus, et in singularibus litteris utique doctissimus, theologorum princeps, splendor philosophorum, et rhetorum lumen; vita et conversatione integer, aique sanctissimus: cui, divinas Scripturas explananti, Spiritus sanctus aliquoties visibili specie apparuit, eique arcana mysteriorum eorumdem invisibili magisterio reseravit. Hic Romæ apud sanctum Petrum habita synodo viginti quatuor episcoporum, multa ad Ecclesiæ utilitatem constituit, et decretum immunitatis monasteriorum promulgavit. Scripsit autem plura necessaria volumina, de quibus feruntur subjecta:

Ad Leandrum Hispalensem episc. Moralium in librum Job. Lib. xxxv. *Inter multos sæpe.*

De Cura pastorali. Lib. II. *Pastoralis curæ me.*

Dialogorum de miraculis sanctorum. Lib. IV. *Quamdam die nimis.*

In Cantica canticorum. Lib. IV. *Postquam a paradisi.*

In Ezechielem prophetam. Lib. II. *Dei omnipotentis.*

Homiliæ Evangeliorum XL. Lib. II. *Dominus ac Redemptor.*

(d) Explanatio IV Evangeliorum brevis. Lib. IV. *Matthæus sicut in ordine.*

sitione non redoleat stylum S. Greg. Mag., cuitamen eam tribuere videtur Honorius August. cum de ipso ait: *Quadraginta oracula Evangeliorum, imo totum textum quatuor Evangeliorum sermocinando populo exposuisse dicitur.* (Lib. de Scriptoribus Eccles. in Greg.) Codex Bigot. est mutilus: nam expositio in Lucam pene deest integra. Huic præmittitur expositio Evangelii secundum Joannem; forma codicis respondet nostris voluminibus in octavo, et in dorso superscriptum legitur: *Homiliae S. Greg. Concordia monstium. Canones apostolorum.*

PRÆFATIO IN LIBROS MORALIUM.

I. Gregorianorum operum novis curis ac typis edendorum initium ducimus a Moralibus in Job, propter antiquitatem tum operis (est enim omnium quæ sanctus Doctor elucubravit primum), tum anctoris sacri hoc in commentario explicati; cum liber Job aut Moysen, ut plerique sentiunt, aut Moyse antiquiore parentem habeat. Hanc expositionem aggressus est noster Gregorius, cum apocrisiarii seu legati sedis apostolicæ Constantinopoli provinciam obiret, ut in epistola ad Leandrum proxime sequente fusius explicat; postea vero majori otio potitus, ad incudem revocavit et retractavit; sicque majori diligentia iterum ac tertio recognitum a sanctissimo doctissimoque Patre illud opus (quod de nulla alia ejus lucubratione asserere licet) ut numeris omnibus absolutissimum, priorem locum ordine quoque dignitatis merito consecutum est.

In ea sane expositione æque copiosa et eleganti, tantum cæteros scriptores qui librum Job commentariis illustrare conati sunt, antecellit, quantum in divinorum arcanorum cognitione et contemplatione, Christianæ ethices scientia experientiæ conjuncta, rerumque sacrarum omnium peritin, longe superior fuit. Adeo ut his in libris refertissimum simul habeamus armamentarium ad ecclesiastica dogmata astruenda commandaque, et copiosissimum ad mores instruendos ac informandos promptuarium.

II. Statim ac in lucem editi sunt libri illi quam avide fuerint excepti, jubentibus etiam episcopis ut ad vigilias sacras legarentur quamque ægre id tulerit vir humilitate præstantissimus, ipse nos docet in epistola ad Joannem subdiaconum Ravennæ, his verbis: « Illud autem quod ad me quorundam relatione perlatum est, quia reverendissimus frater et coepiscopus meus Marinianus legi commenta beati Job publice ad vigilias faciat, non grata suscepit, quia non est illud opus populare; et rudibus auditoribus impedimentum magis quam proiectum generaret. Sed dic ei ut commenta Psalmorum legi ad vigilias faciat » (Lib. xii, eni. 24).